

OMUKUETU

No: 12

ESIKU 15 DESEMBER

1947

■ X·X·X·X·X·XX ■ XX·X·X·X·X·X·X ■ X·X·X·X ■ X·X·X·X·X·X·X



OMÜNCNA GUCMU BETLEHEM.

Mu Betlehem mua valua
Omünon' omuanaua.
Kue na ngaj' nda falua
Ndi ninge gue, nda pua
Eijaa, eijaa,
Ndi ninge gue nda pua.

Ndi hula ngaj' ndi kale
Mohocle ndjeka je
Atuhe ngaj' ndi mu tale
Ašihe ndi ši mü pe
Eijaa, ošo nošo.

Komu njo guandi' aguhe
gaj' ndi ku hool' Omüua,
Muuzigu uo auhe
Ndi kale ndi ku na,
Eijaa, ošo, nošo.

Ongaj' nda tegelela
Ohenda u sile ndje
Ndi kale guojelela
Onena naaluhe.
Eijaa, eijaa
Onena naaluhe.

Grosse Missionsharfe
I Band 26.

V. A.

KRISTUS JESUS B JA MUUJUNI, A HUPIŠE AANANDJO.



SILLA OTE ENDE NIITI JE.

Aakazona aajisrael, Atalia na Silla oja li ja kuutumba pooka zošilando ša Betlehem ja taalele omasilu ga kunduka okandundu nkoka mpoka tapu kala ošilando šoka. Ja njanjukilua eopalo ljoongala nezimba euanašua ljažo. Atalia oje auike kua li ta mono ko eopalo ljomasilu, Silla oku uvite ezimba ljouala, ošoka okua li a tsika omeho. Noje ošilema nokuli, kua li he endele kiiti e ji kuatele moonkuapa ze.

Silla okua ti: Ezimba ndika euauaua šili; U li uvite tuu? Ongame šo itandi mono ko, e te njanjukilua ezimba nomakutsi gandje ohaga uuvu oondigolo zoonžila no mašeketo gomiti.

Atalia a ti: Luindji onda kumua noku li, nkene iinima ojindji u ji ši mbjoka haji njenge aanameho.

Silla okue mu jamukula ngame inandi valua omuposi, onkee nda zimbulukua iinima ojindji nde ji mono nomeho. Ihe inatu popjeni nžoka. Nda hala tu je momuzile tu

ka kundašane naua. „ Oua žilazila tuu, Messias nkene te ja?

Atalia a ti: Aue, inaandi diladila šoka nando. Ondu uvu tuu aasamane šo haa kundafana. Na tate ha ti aluhe, kutja Messias nge te ja, kee ši omukuaniilua rgaši aanongo jooramata haa ti. Tate ta ti, tse ta tu pumbua omukuasi nomuprofeti ngoka te tu lombuele nkene tu nokukala.

Silla a ti: Pua piti efimbo de, tate šo a šigi ndje po ihe inaandi zimbua nkene je kua li haa kundafana naasita oojakuauo manga je li muusita pamue naje. Oje kua ti aluhe, Messias ote ja mbala.

Atalia ta ti: Silla, onena to ja kaandje tu, ošoka nena ta e ta kala megumbo, omuameme manga ta ji kuusita uusiku. Okaas ndjetu otatu gongalele okangundu nomušanane Raamel te ja nomanjolo omajapuki.

Silla kua ti: Ijaloo, jaloo, nda hala nge le itaa tiza ndje po. Atalia: Aue ila ngaa, tse atuhe tu pulakene naua. Tate ta njanjukilua oku tu mona mokangundu moka.

Silla kua ti: Andija ndi ka pule memee

ngele ta pitikile n'je, otandi ja.

Nošo aakazona ja şikama ja endebele nokul, oşoka etango lja hala okuningua

Mondunda ja ne ja Atalia mua gonga l le aasita jamue naikiintu, nomusamane Raamel kua leşa omup ofeti Jesaja: Oşiguan na şoka še ende momilima, şa mona uujelele, nošo tuu.

Nomusamane okua popi a ti: Jehova te tu uvaneketele okanona ihe okanona nkoşka nando okahanona, oku na oonkondo oku tu kuaşa.

Ohaluka pue ja omumati ti igiza Messias a valua Messias a valual lleni, tu ka talel

Nomumati okua hokolola, nkene ja kala kulundu niimuna jauo, nomujengeli kue ja tsejifile okuvalua kua Messias.

Nošo aantu mboka ja şikama ajche ja fikama je endebelele kondunda ndijaka ja li ja minikilua konjoşi ondjelele. Na Silla uo okua landula oojakuauo nando oje kua kala konima şo inaa uapa okuendelele niiti je. Ihe je uo kua şiki ko. Okua pulakena aas

kuluntu jokanona taa hokololelua choloko ljaajengeli, nkene ja holokele aasita. Na Silla kua uvu aantu şo taa simaneke nokuhambelele okanona. Je kui ihata pevi ketemba lja Messias. Na mpoka a kala eşimbo ele oojakuauo ja zi mo nokuli. Nokua uvu omukiintu gumue a pula Maria a ti: Omuna tuu iikuni? Oku nuutalala uusiku, okanona pamue ta ka suutalala. Maria a ti: Tu na ngaa. Silla okua kuata iiti je joku mu endifate te ji po Maria e ji hohelişe omulilo. Silla şo a jeluka mpoka, oku uvite ookondo moşmagulu ge, nokua şikama kee na ue iiti je. No şo kua tala oşeho ge ga tonata, a fa a papuzuka moşposi onde. A tala okanona meitemba nokua tseja oonkondo uzoka oondjabuki ze mu aluza za zi mokanona tuu noku. U hambeleleue ngoje okanona oşo a nongonene, oşoka a tala okupopja mokule. Oku uvite şa ndjoka ejapuki şili Na Silla uo a zi mo, epoşeo okua tsooşngolo noşuhambelelele Jehova uujetele mbuka e u tumine uujuni nomukuaşi nguka Messias.



NANENA UO JESUS TA KUAŞA OMUITAALI.

Otua sakala mongerki jetu jom: Onandjokue. Aavu oja li ja telekelua nale noja peua iipeua jauo jokrismesa. Otua sakala etango şo lja ji mo. Aavu mboka ja uapa okuisişi za oje jene oja ji mo, ihe jamue oja humbatua nontala. Inapu kala nando gumue a şigala mondunda, ajehe oja gongala moşngerki.

Nošo tuu omuşamane guontumba okua humbatua şoka inau apa okuenda. Okue etelua monasaresa petameko ljoşiuike. Ihe ombunda nomagulu ge otage ehama uunene ini injenga nando.

Mesakalo ljetu, ngaşika aantu mboka ja kala putse mokrismesa je şi şi, otua hokololelua okuvalua kuOmukulili no tua uuvişilua evangeli nomaimbilo oga imbiua. Ihe aluhe hapu hokololua omahokololo omakuauo uo.

Nena omusamane nguka a humbatua, oku

li po ta pulakene oohapu nomaimbilo no ta tala nkene ookinteli tazi minikile. Omuşamane ota njanjukua ngaşika oojakuauo nando ombunda —jaje otaji ehama.

Ohugunina omukazona gumue a şikama nokua hokolola ehokololo lje. Ota hokolola nkene omukulukazi guontumba a mono oşiponga ompazi şo ia zomoka mesiku lja teteketele okrismesa. Omukazona ota hokolola uuzigu mbuka uomukulukazi nuuşehame ue: Akutu, okua li e nokulongekizila oşituşi okuteleka n şt. ihe ina uapa şa. Okanona ke şo ka mono jina te ehama okatameke okugalikana no ka ti: „Jesus Omukulili, ila u ka tenteke oşikaha şoje pompazi ja meme u ji aaluzel Amen!” Soka şa galikanenua ongułohi. Ongula aantu şo ja penduka, omukulukazi okua kumua şoka ompazi je oja aaluka.

Omukazona okua tsikile oohapu ze nokua ti: One mua gongala mpaka mu uvu ko tuu? Mokati keni omu naavu ojendji

otamu galikana tuu Jesus je mu aakize? One omu nitaalo lja feitaalo ljokanona nkaka ka galikanena jina? Kala u ši ši, nanena uo Omukulili guetu Jesus oku li mokati ketu no ta aaluza mboka je neitaalo neinekelo oku mu inekela.

Ošigongi ša halakana. Aavu naakuši jauo oja zi mo mongerki. Mbejaka ja hūmbatua ja šigala mo. natango. Onda lenga lenga nokutala omusamane omupagani nguka ta aalukua naji ombunda. Nda zilažila oje a vuulua ngika uunene. Ihe nda haluka — montala je inandi mona omuntū' Onda tondokele pondje no nda pula omuhungi gue; „Omusamane nguka kua hūmbatua oku li peni? Na šike ontala je oji li po mpaka? Omuhungi okua ti: tala, oku li poseelo šondunda jel

Onda kuata komilungul Omusamane okua li a šikama nokue ende je muenel Oje okua pulakena naua. Eitaalo lja penduka momuenjo gue. Jesus okue mu kolekel

Omusamane okua aaluk: mbalambala. Nokua landele okakazona ke ošijata nokua ti: Omumuandje e nokuja moskola, naka ninge omukriste, Ihe oje muene šo kua ji paandjauo kokule, ngame inandi tseja ngele a koko tuu meitaalo. L. L.

OSEMINARI JAAMATI.

Oseminari jomOniipa taji hala okutaas mba aalongua aape, aamati, Kalunga ngele te ši hala, omumvo 1948. — Omboka taa hala okutaambua ojo je nokutuma eindilo ljauo ku Seminari pomasiku 1 — 15 ga Januarie. Pamue neindilo taku tumua: (1) onzapo jomusita guegongalo moka mua tumbulua esiku ljokuvalua nokušašua, nokukolekua; (2) nehokololo nenge epopilo ljomusita guegongalo; (3) nehokololo nenge epopilo ljomukuluntu guoskola jaamati moka a longua, nenge ljomuhongi (nenge ljofreilaini) nguka e mü ši naua; (4) nenjolululo ljonzapo ja Std. III; (5) nehokololo ljomuindili muene, ta hokolola nkene Kaslunga e mü išana e je mošilonga šc no nkene oje e mü endiša. — Mboka je noomvula 18—30 ojo ajeke taa taambua.

Ekonakono ljetaambo li li esiku etišilja Januarie okutameka ongula onene. — Omboka tamu ja kekonakono. ileni nonguta.

Ošigongi shaalongi.

Otaši ka gongala kOniipa, Kalunga ngele e ši hala, mu Januarie ngaka tagu ja. Ošigongi taši ka tameka eti 15 lja Januarie komatango no taši hulile eti 22 lja Januarie omumvo tagu ja

Aalongi a je h e jokOuambo taa huiamo. Ongundu šo taji ningi onene ngeji, otse otua nje gua kiikulja jokolutu, onke ndi nokuindila omulongi kehe e je nonguta je muene.

Tameka okugalikanena ošigongi šino, Kalunga a mone ompito oku tu jambeka ngašika oje e ši hala.

Ila nokugalikana, ošoka ongoka ti indile oje ota peua.

Liina Lindström

1948.

JANUARIE

- | | | |
|-----|-----|--|
| | | Tiit 3:4-7 Luk 2:21. Joas 24:14-16 |
| 1. | Do. | Omümvo omüpe. |
| 2. | V. | 1Kon 1:1-21 Lk 2:36-40 Ehol 1:17-18 |
| 3. | Sa. | 1Kon 1:22-40. Lk 2:41-52. Mt. 6:34
Rom 6:3-11. Mt 8:18-19 Ps 78:23-28 |
| 4. | S. | Os ja landula omümvo omüpe. |
| 5. | M. | 1Kon 1:41-53. Lk 3:1-14, Tiit 2:11-12.
Jes 60:1-6. Mt 2:1-12. Jes 2:2-5 |
| 6. | D. | Epifania. |
| 7. | W. | 1Kon 2:1-12 Lk 3:15-22. Mt 2:10-11. |
| 8. | D. | 1Kon 2:28-46. Lk 4:1-13. Joh 1:14. |
| 9. | V. | 1Kon 3:1-15 Lk 4:14-30. 2Kor 5:21. |
| 10. | Sa. | 1Kon 3:16-28 Lk 4:31-37. Mt 18:19
Rm 12:1-5. Lk 24:35-52. Spreuk 1:7-10 |
| 11. | S. | Os ja landula Epifania. |
| 12. | M. | 1Kon 4:21-31. Lk 4:38-44. Iil 13:18 |
| 13. | D. | 1Kon 5. Lk 5:1-11. Jaak 5:13 |
| 14. | W. | 1Kon 6:1-8 .7, 38. Lk 5:12-16. Lk 1:37 |
| 15. | Do. | 1Kon 8:1-21 Lk 5:17-26. Joh 2:4 |
| 16. | V. | 1Kon 8:22-36. Lk 5:27-39 Hebr 3:7-8 |
| 17. | Sa. | 1Kon 8:37-53. Lk 6:1-5 Mt 10:16
Rm 12:6-15 Joh 2:1-11 Gen 12:1-4 |
| 18. | S. | Os 2 ja landula Epifania. |
| 19. | M. | 1Kon 8:54-63 Lk 6:6-11 Joh 11:26 |
| 20. | D. | 2Kor 1:12-21. 40:7-8 Lk 6:12-19 Joh 17:2 |
| 21. | W. | 1Kon 9:1-14 Lk 6:20-26 Ef 2:19 |
| 22. | Do. | 1Kon 9:15-28 Lk 6:27-35 Mt 6:9 |
| 23. | V. | 1Kon 10:1-13 Lk 6:36-45 2Tim 4:7-8 |
| 24. | Sa. | 1Kon 11:1-13 Lk 6:46-49 Mt 14:14
1Kor 9:24-0:5 Mt 20:1-16 Gen 22:1-18 |
| 25. | S. | Septuagesima. |
| 26. | M. | 1Kon 11:26-43 Lk 7:1-10 Lk 15:2 |
| 27. | D. | 1Kon 12:1-17 Lk 7:11-17 Rm 12:15 |
| 28. | W. | 1Kon 12:18-21 Lk 7:18-35 1Petr 2:18 |
| 29. | Do. | 1Kon 12:22-30 Lk 7:36-50 Kol 4:0 |
| 30. | V. | 1Kon 13:1-34 Lk 8:1-15 Iil 10:4 |
| 31. | Sa. | 1Kon 14:1-20 Lk 8:16-25 Rm 5:4 |